

Passa inica in
est Capitula
utriusque Ec-
clesie.

hujusmodi conventiones, & pacta infra-
scripta sub nostro, & Sedis Apostolica bene-
placito inierunt. Ut scilicet omnes Cano-
nicatus, & Præbendæ dictæ Ecclesiæ San-
cti Joannis Baptistæ, cum primum vacarent,
supprimerentur, illorumque sic supprimen-
dorum fructus, redditus, & proventus, ac
distributiones etiam quotidianæ, & alia
emolumenta quæcumque Mensæ Capitulari
dictæ Ecclesiæ Elnen, exclusis utriusque
non comprehensis Canonicatibus, & Præ-
bendis unitis tam Mensæ Episcopali, quam
officio præfatis, sed eisdem in pristino eor-
um statu remanentibus, applicarentur; ad-
veniente vero vacatione Canonicatum, &
Præbendarum dictæ Ecclesiæ Elnen, is, qui
pro tempore dictæ Ecclesiæ Sancti Joannis
Baptistæ Canonicus in sui receptione, seu
possessione antiquior foret, in illis pleno Ju-
re ascenderet, & subrogaretur: Canoni-
catuque, & Præbendæ dictæ Ecclesiæ San-
cti Joannis Baptistæ, qui per hujusmodi
ascensum, & subrogationem vacarent, ipso
facto suppressi, eorumque fructus Mensæ
Capitulari dictæ Ecclesiæ Elnen, applicati
essent, & censerentur: ubi autem ad actua-
lem supradictæ residentie translationem
deventum foret, Canonici ejusdem Ecclesiæ
Sancti Joannis Baptistæ etiam Canonici Elnen,
æque, ac alii appellarentur, ac pro-
talibus haberi inciperent; immo postquam
ad octo tantum redacti essent, ipsi ex tunc
Capitulo Ecclesiæ Elnen, etiam una cum
illius Canonici unum dumtaxat Capitulum
constituerent, ac ibidem votum tam deci-
sivum, quam consultivum haberent: per
hoc tamen non censerentur Præbendæ con-
fusa, sed prædicti octo Canonici ex pristina
cujusque eorum Præbendæ fructus, distribu-
tiones, & emolumenta præfata separatim
perciperent: immo donec ipsorum Cano-
nicatus, & Præbendæ suppressi forent, il-
lique suppressis, ad Præbendas ejusdem
Ecclesiæ Elnen, ascendissent, prærogativis
deputationis Curiarum Concilii Provin-
cialis officiorum Sedis vacantis gaudere
nequirent, liceret tamen eisdem ad officia,
& alia hujusmodi eligere, non tamen eligi
possent: Insuper Canonici Ecclesiæ Sancti
Joannis Baptistæ hujusmodi omnibus præro-
gativis, privilegiis, exemptionibus, gra-
tiis, & favoribus, quibus dictæ Ecclesiæ
Elnen, Canonici tam vacante, quam plena
illius Sede Episcopali licite uterentur, &
fructuarentur, in omnibus tamen, & quibus-
cumque actibus tam publicis, quam priva-
tis præcedentia Canonicorum Ecclesiæ Elnen,
hujusmodi absque ulla contradictione
esset. Verum quia suppressis Canonicati-
bus, & Præbendis Ecclesiæ Sancti Joannis
Baptistæ hujusmodi præfatus modernus, &
pro tempore existens Episcopus Elnen, Jus
illas conferendi, quoties in mensibus ad
locorum Ordinarios spectantibus vacavissent,
amittebat, seu hujusmodi Jus extinguebatur:
idcirco placuit præfatis Capitulo, & Canonici
dictæ Ecclesiæ Elnen, ut collatio, provisio, &
omnimoda dispositio trium Canonicatum, & Præbendarum

dictæ Ecclesiæ Elnen, ex illis, ad quos
dum pro tempore vacant, nominatio, seu
præsentatio, & electio personarum idonearum
ad ipsos, institutio vero, seu collatio,
& provisio restricta ad nominationem, seu
præsentationem, & electionem hujusmodi,
ad præfatum Episcopum cessantibus re-
servationibus, & affectionibus Apostolicis
spectat, & pertinet, videlicet eorum, qui
sunt Pœnitentarii, vel in Pœnitentiales
erecti, seu quibus Pœnitentarii officium
unitum existit, ac quos Philippus Jardi Archidia-
conus Confluentis, nec non aliorum
Præcentorie, quos Michael Roig, & reli-
quorum Sancti Janeti nuncupatorum Canonicatum,
& Præbendarum, quos Monferratus Suro, dilecti filii
Canonici dictæ Ecclesiæ Elnen, ad præfens obtinent,
ad modernum, & pro tempore existentem
Episcopum præfatum dumtaxat in perpetuum
pleno Jure, cessantibus tamen eisdem re-
servationibus, & affectionibus spectaret, &
pertineret, ipseque Episcopus, postquam
hujusmodi translatio suum sortita esset effectum,
a præfatione quatuor Eminarum Trinitici,
& decem Librarum Monetæ in dicto
Oppido cursum habentis, quam singulis
Canonici dictæ Ecclesiæ Sancti Joannis
Baptistæ annuatim facere tenetur, post-
quam eorum Præbendæ per obitum, vel
ascensum, sive subrogationem, aut alias
quomodolibet suppressæ forent, liber, &
immunis censeretur, prout in uno, seu
pluribus Instrumentis, seu Documentis,
aliisve scripturis publicis, & privatis desuper
confectis, plenius dicitur contineri.

§.2. Quare dictus Philippus Rex nomi-
nibus præfatis Nobis humiliter supplicari
fecit, quatenus residentiam Episcopi, &
Capituli, ac Canonicorum Elnen, præfatorum
ad dictum Oppidum Perpiniani modo,
& forma infra scriptis transferre, eisque de
tuta commoratione, ac alias in præmissis
opportune providere de benignitate Apo-
stolica dignaremur.

§.3. Nos igitur, qui dudum inter alia
volumus, quod petentes Beneficia Eccle-
siastica aliis uniri, tenerentur exprimere
verum annum valorem secundum æstima-
tionem præfata etiam Beneficii, cui aliud
uniri peteretur, alioquin unio non valeret,
& semper in unionibus commissio fieret ad
partes, vocatis quorum interesset, idemque
servaretur in quibusvis suppressionibus
perpetuis, concessionibus, dismembrationibus,
& applicationibus etiam de quibus-
cumque fructibus, & bonis Ecclesiasticis,
modernum Episcopum, & singulares per-
sonas Capitulum, & Canonicorum hujus-
modi a quibusvis &c. censentes &c. nec non
Instrumentorum, seu Documentorum,
aliarumque scripturarum hujusmodi, ac
etiam unionum, & applicationum mensis
præfatis, hætenus quomodolibet factarum,
causarum, & circumstantiarum, cum inde
sequutis præsentibus pro expressis habentes;
hujusmodi supplicationibus inclinati,
residentiam, & habitationem moderni,
ac pro tempore existentis Episcopi,

Philippi Regis
preces pro
translatione.

Translatio de
qua in Rubrica.

nec

nec non Capituli, & singulorum Canonicorum
Ecclesiæ hujusmodi, ac dignitates in
ea nunc, & pro tempore obtinentium cum
utraque Mensæ Episcopali similiter, & Ca-
pitulari, ac Arca, & Sigillo communibus,
nec non potioribus Reliquiis, omnibusque,
& singulis bonis mobilibus, & semoven-
tibus, distributionibus etiam quotidianis,
Juribus, pertinentiis, obventionibus, &
emolumentis, non tamen provenienti-
bus ex Beneficiis, & Anniversariis fundatis
in dicta Ecclesia Elnen, quæ sunt Beneficia-
torum propria, & qua transferri, & divi-
di non possunt, sed in dicta Ecclesia Elnen,
absque illorum diminutione omnino remaneant,
ac sacra, & communi, & pretiosiore
suppellestili, statutis, consuetudinibus,
privilegiis, indultis, exemptionibus,
immunitatibus, prærogativis, honoribus,
concessionibus, favoribus, & gratiis tam
spiritualibus, quam temporalibus, ac etiam
oneribus, ceterisque rebus quibuscumque
ex Civitate, & Ecclesia Elnen, præfatis ad
Oppidum, & Ecclesiæ Sancti Joannis Baptistæ
hujusmodi, ejusque situm, ambitum,
& claustra, ita quod ex nunc deinceps
perpetuis futuris temporibus Episcopus,
Capitulum, & singuli Canonici Eccle-
siæ Elnen, hujusmodi, & dignitates in ea
obtainentes in Oppido, & Ecclesia Sancti
Joannis Baptistæ præfatis residere, morari,
& habitare, ac pensum horarum Canonicarum
tam diurnarum, quam nocturnarum,
aliorumque divinarum officiorum in eadem
Ecclesia Sancti Joannis Baptistæ persolvere;
forum quoque, Tribunal, & audientiam
tam Episcopalem, quam Capitularem pro
exercitio Jurisdictionis ipsis tam in spiri-
tualibus, quam temporalibus Jure ordinario,
ac alias quomodolibet competentis, in eodem
Oppido habere, & tenere, Capitula,
& Congregationes inire, nec non omnia,
& singula, quæ in Ecclesia, & Civitate
Elnen, præfatis quomodolibet hætenus face-
re, gerere, exequi, & adimplere poterant,
& consueverant, similiter, & absque
ulla prorsus differentia in eadem Ecclesia
Sancti Joannis Baptistæ etiam facere, gere-
re, exequi, & adimplere libere, & licite
possint, & valeant, ac etiam debeant, Ci-
vitate, & Ecclesia Elnen, quoad nomen,
titulum, denominationem, & existentiam
Cathedralis, aliisque pristinis Juribus, nec
non omnibus illius Beneficiis, ceterisque
Ministris, qui ex nunc deinceps horas
Canonicas, Missam Conventualem, & alia
divina officia per se ipsos in eadem celebra-
re, illique alias in hujusmodi divinis deservire,
& ex illis supradicti duo Beneficiati
hebdomadarii perpetuam animarum curam,
ut prius exercere, & Sacramenta Eccle-
siastica administrare teneantur, sub dominio
tamen, gubernio, & jurisdictione Episcopi,
& Capituli Elnen, præfatorum, prout antea,
remanentibus, ipsaque Jurisdictione
eorumdem Episcopi, & Capituli Elnen,
etiam quoad illos, ac alias in omnibus, &
per omnia illæsa similiter, ut prius subsi-
stente, Apostolica auctoritate perpetuo te-

nore præsentium transferimus, ipsamque
Ecclesiam Sancti Joannis Baptistæ cum ejus
situ, ambitu, & claustris, ac Episcopali,
& Capitulari Mensis hujusmodi pro resi-
dentia Episcopi, Capituli, & Canonicorum
Ecclesiæ Elnen, dignitatesque in ea
obtainentium præfatorum, aliisque præmis-
sis obeundis eisdem auctoritate, & tenore
etiam perpetuo concedimus, & assignamus.

§.4. Ac in eadem Ecclesia Sancti Joannis
Baptistæ supradictos viginti duos Cano-
nicatus, & Præbendas collativos præfatos,
quorum singulorum, & illis forsitan an-
nexorum fructus, redditus, & proventus vi-
ginti quatuor, computatis vero distribu-
tionibus quotidianis quadraginta Ducatorum
parium, secundum communem æstimationem,
valorem, ut asseritur, non excedunt:
Cum primum illos per cessum etiam ex causa
permutationis, vel decessum, seu quamvis
aliam dimissionem, privationem, vel
aliam amissionem, Religionis ingressum,
seu contractum Matrimonii illos ad præfens
obtainentium, aut eorumdem ad Canonicatum,
& Præbendas Ecclesiæ Elnen, hujusmodi dum
pro tempore vacabunt ascensum, vel subro-
gationem, seu alias quibusvis modis etiam
apud Sedem Apost. præfata, & in mensibus
in quibus Beneficiorum Ecclesiasticorum
dispositio Nobis, & Successoribus nostris
Romanis Pontificibus per Constitutiones
Apostolicas, ac Cancellariæ Apostolicæ
regulas, nunc, & pro tempore editas, ac
alias quomodolibet reservata, vel affecta,
seu etiam ordinariis collatoribus etiam per
eandem, vel alias Constitutiones, aut
Regulas nunc, & pro tempore editas, seu
litteras alternatarum, aut alia privilegia,
& indulta concessa est hætenus, vel pro
tempore fuerit, simul, vel successive va-
care contingerit, etiam si aliqui ex ipsis actu
nunc forsitan quibusvis modis, & ex quor-
cumque personis, seu per liberam resig-
nationem quorumvis de illis in Romana
Curia, vel extra eam &c. factas, vel affe-
quationem &c. vacent, & tanto tempo-
re &c. devoluta, ipsique Canonicatus, &
Præbendæ dispositioni Apostolicæ &c. exi-
stat super eis quoque inter aliquos lis &c.
indecisa; nec non postquam Canonici Ec-
clesiæ Sancti Joannis Baptistæ hujusmodi ad
numerum octo tantum redacti fuerint, no-
men, titulum, denominationem, & essen-
tiam Collegiate, illiusque mensam Capitu-
larem, Arcam, Sigillum, & quævis alia
Collegialia insignia ex nunc, prout ex tunc,
& e contra, auctoritate, & tenore præfatis
similiter perpetuo supprimimus, & extin-
guimus, ipsorumque Canonicatum, &
Præbendarum, ac mensæ Capitularis sic
suppressorum, & extinctorum, necnon an-
nexorum jurium, Villarum, Prædiorum,
pertinentiarum, proprietatum, & bono-
rum suorum quorumcumque fructus, red-
ditus, & proventus, distributiones etiam
quotidianas, jura, obventiones, & emolumenta
quæcumque præfate mensæ Capitulari
Ecclesiæ Elnen, ut præfertur trans-
late pro augmento distributionum quoti-
dia-

Translatio
quoque Capi-
tuli, & Men-
sæ, redditu un-
&c.

dianarum inter illius Canonicos S. Joannis Baptista residentes, ac in illa Horis Canonicis, aliisque Divinis Officiis personaliter interessentes dumtaxat, & non alias repariendarum, itaut liceat Episcopo, Capitulo, & Canonicis Ecclesie Elnen. hujusmodi eandem Ecclesiam Sancti Joannis Baptista pro Ecclesia eorum residentie etiam ex nunc recipere, seque in ea introducere, necnon Episcopo Elnen., ac utriusque Ecclesie Capitulis, & Canonicis prefatis jurium, Villarum, Prædiorum, pertinentiarum, proprietatum, & honorum hujusmodi corporalem, realem, & actualem possessionem per se, vel alium, seu alios illorum nominibus propria auctoritate libere apprehendere, & deinceps perpetuis futuris temporibus retinere, ac vacatioe singulorum Canonicatum, & Præbendarum suppressorum prædictorum pro tempore occurrente, illorum fructus, redditus, & proventus, distributiones etiam quotidianas, jura, obventiones, & emolumenta quæcumque exinde provenientia percipere, exigere, & levare, ac in augmentum distributionum quotidianarum inter residentes, & Horis Canonicis, aliisque Divinis Officiis actu interessentes, & non alias repariendarum dumtaxat pro rata personalis residentie cujuscumque eorum convertere, Ordinarii loci, vel cujusvis alterius licentia desuper minime requisita, citra tamen Communitatis Presbyterorum, & Syndicorum in dicta Ecclesia S. Joannis Baptista existentium, illiusque emolumentorum, ac solita administrationis, si quam habent, aliorumque jurium præjudicium auctoritate, & tenore similibus pariter perpetuo applicamus, & appropriamus.

Ex duobus unum Capitulum eligatur.

§.5. Ut autem tam suppressio, & extinctio, quam applicatio, & appropriatio hujusmodi effectum suum quanto citius fortiantur, ac prædicti Capitulum, & Canonici Elnen. in dicta Ecclesia Sancti Joannis Baptista cum majori concordia, & unione deinceps vivant, & ibidem unicum Capitulum constituatur, pari auctoritate statuimus, & ordinamus, ut vacatione Canonicatum, & Præbendarum Ecclesie Elnen. hujusmodi sive per cessum, vel decessum, aut quamlibet aliam dimissionem, vel amissionem modernorum illius Canonicorum etiam apud Sedem Apost. præfatam, ac alias ubilibet quomodolibet, & quocumque, & ex quorumcumque personis advenientes is, vel illi præfate Ecclesie Sancti Joannis Baptista Canonici, qui in receptione, seu adptione possessionis Præbendarum ejusdem Ecclesie Sancti Joannis Baptista antiquiores pro tempore fuerint, in illis sic vacaturis, prævia tamen provisione de illis desuper a Nobis, aut Romano Pontifice pro tempore existente, ac dicta Sede Apostolica cuique ex ipsis faciendâ, ascendant, & subrogentur, donec, & quousque omnibus sic subrogatis, omnes quoque Canonicatus, & omnes Præbende collativi ejusdem Ecclesie Sancti Joannis Baptista tam per hujusmodi ascensum, & subrogationem, quam

aliam vacationem illas obtinentium, ac alias, ut præfertur, realiter, & cum effectu suppressi, & extincti remanserint; ipsi vero omnes Canonici dictæ Ecclesie Sancti Joannis Baptista ex nunc deinceps, donec singulorum Canonicatum, & Præbendarum per eos obtentorum suppressio suum plenarium sortita fuerit effectum Canonici Ecclesie Elnen. ad instar aliorum illius Canonicorum actu existentium denominentur, ac pro talibus habeantur, teneantur, & recipiantur, & postquam ad octo redacti fuerint, ipso ex tunc excluso penitus usu Capituli per præfatos suppressi, Capitulo, & consortio verorum Canonicorum Ecclesie Elnen. hujusmodi aggregentur, ac unum dumtaxat Capitulum constituent, ibidemque votum tam decisivum, quam consultivum habeant, citra tamen confusionem Præbendarum, quæ in eorum pristino statu persistant, illorumque possessores fructus, redditus, & proventus, distributiones, & emolumenta separatim percipiant, donec eisdem suis Præbendis tandem suppressis ad Canonicatus, & Præbendas Ecclesie Elnen. hujusmodi, prout illos vacare contigerit, & ipsa ascenderint, & quamvis ex tunc alios Canonicos ejusdem Ecclesie Elnen. ad Curiam, & alia officia eligere eis liceat, per hoc tamen uti præfati eligi possint, non censeantur esse concessi: in reliquis autem omnes Canonici Ecclesie Sancti Joannis Baptista hujusmodi omnibus, & singulis aliis prærogatis, privilegiis, exemptionibus, honoribus, favoribus, indultis, & aliis gratiis tam spiritualibus, quam temporalibus, quibus veri Canonici dictæ Ecclesie Elnen. tam vacante, quam non vacante illius Sede Episcopali utuntur, fruuntur, potiuntur, & gaudent, ac uti, frui, potiri, & gaudere possunt, & poterunt quomodolibet in futurum, salvo, quod citra omnem controversiam præcedentiæ in Ecclesia, Choro, Capitulo, & aliis actibus, tam publicis, quam privatis Canonicorum Elnen. sint, & esse debeant, quoad reliqua similiter, & pariter absque ulla prorsus differentia, etiam uti, frui, potiri, & gaudere libere, & licite valeant.

§.6. Sed quia, ut superius expressum fuit, omnibus Canonicatibus, & Præbendis Ecclesie Sancti Joannis Baptista hujusmodi hoc pacto extinctis moderno, ac pro tempore existente Episcopo præfato jus conferendi quatuordecim ex illis in mensibus, in quibus Beneficiorum Ecclesiasticorum collatio ad locorum ordinarios cessantibus reservationibus, & affectionibus Apostolicis pertinet, cessabit, seu deperibit, eidem moderno, & pro tempore existenti Episcopo omnimodam collationem, provisionem, & quamvis aliam dispositionem dictorum trium Canonicatum, & totidem Præbendarum per Philippum Jordi, & Michaelem, & Monserratum præfatos obtentorum, quoties illos pro tempore, cessantibus tamen eisdem reservationibus, & affectionibus Apostolicis, vacare contigerit, eisdem au-

Jus Episcopo attribuit tres conferendi Canonicatus.

cto.

toritate, & tenore itidem perpetuo concedimus, & elargimur, ipsumque modernum, & pro tempore existentem Episcopum a præstatione, & solutione quatuor Eminarum tritici, & decem librarum prædictarum singulis Canonicis Ecclesie Sancti Joannis Baptista hujusmodi, ut præfertur fieri solita, si & prout eorum singula Præbende realiter suppressæ fuerint, ut præfertur, auctoritate, & tenore prædictis etiam perpetuo eximimus, & liberamus, exemptumque, & liberatum declaramus.

Archiepiscopo Tarraconen. committitur Reliquiarum, Paramentorum, & ornamentorum Ecclesiasticorum, & translatione.

§.7. Ceterum, quia circa translationem tam sacrarum Reliquiarum, Paramentorum, & ornamentorum Ecclesiasticorum, quam divisiones eorumdem, necnon distributionum quotidianarum, & emolumentorum, ac denique Anniversariorum, aliorumque divinorum officiorum inter Canonicos, & Beneficiatos Ecclesie Elnen. communium rixæ, jurgia, contentiones, differentie, ac etiam forsitan lites, & controversie utrinque exoriri possent, ut illis occurratur, Venerabili Fratri Archiepiscopo Tarraconen. cui dicta Ecclesia Elnen. metropolitico jure subesse dignoscitur, per præfatos committimus, & mandamus, quatenus per se, vel alium, seu alios, quos duxerit deputandos, faciat auctoritate nostra sacræ Reliquias, necnon Cruces, Candelabra, Calices, Patenas, Turribula, Paramenta, & ornamenta Ecclesiastica præsertim argentea, & pretiosiore suppellectilem aliqua tamen decenti, & congrua portione ex eisdem Reliquiis cum suis Thæcis etiam argenteis, ac Paramentis, & ornamentis Ecclesiasticis etiam argenteis, Crucibus, Candelabris, Calicibus, Patenis, & Turribulis, præsertim iis, quæ usu consumuntur, arbitrio dicti Archiepiscopi, quantum dicere existimaverit, in eadem Ecclesia Elnen. relicta, una cum præfatis Capitulo, & Canonicis Elnen. transferri; distributiones vero, & emolumenta cum Canonicis, & Beneficiatis Ecclesie Elnen. hujusmodi communia, ac Anniversaria, fundationes, ceteraque divina officia dividat, & repartiat, ac cuilibet ratam partem constituat, & assignet, prout juxta rerum, personarum, & onerum cuique remanentium qualitates in Domino judicaverit expedire, omni, & quacumque appellatione remota, procedendo, concedentes eidem Archiepiscopo plenam, & liberam potestatem, & facultatem omnia, & singula circa illa quomodolibet necessaria, & opportuna faciendi, gerendi, & exequendi.

Aliaque hic recensita peragere.

Claufulæ prædictorum firmitate.

§.8. Ac decernentes ea, quæ ab ipso in executionem sic sibi commissorum gesta fuerunt, nec non easdem præfatas, & in eis contenta quæcumque sub quibusvis revocationibus, aut limitationibus, etiam prætextu, quod illa effectum sortita non fuerint, per quascumque dictæ Cancellarie Regulas etiam per Nos, & quoscumque alios Romanos Pontifices Successores nostros, & in crastinum assumptionis cujuslibet ipsorum ad summi Apostolatus apicem editas, vel edendas, etiam uniones, &

suppressiones effectum tunc non fortitas, expressè revocantes, minime comprehendimus, sed illa eisdem revocationibus, & limitationibus quibuscumque formulis fuerint conceptæ, non obstantibus, in suo robore subsistere, ac quoties emanabunt, toties in pristinum, & cum in quo erant ante præmissa statum, etiam sub data posteriori per Episcopum, Capitulum, & Canonicos hujusmodi quocumque eligenda restituta, reposita, & plenarie reintegrata fore, & esse; Sicque per quoscumque Judices &c. sublata eis, & eorum cuilibet quavis aliter iudicandi, & interpretandi facultate, & auctoritate, ubique in quavis instantia iudicari, & definiri debere, irritum quoque &c. attentari.

Derogatio contrariarum.

§.9. Non obstantibus priori voluntate nostra, & aliis præmissis, ac Lateranen. Concilii novissime celebrati uniones perpetuas, nisi in casibus a jure permissis, fieri prohibentis, & quatenus opus sit, nostra de non tollendo jure quaesito, aliisque Constitutionibus, & Ordinationibus Apostolicis, ac ejusdem Cancellarie Regulis editis, & edendis, nec non Ecclesiarum præfatarum fundationibus, institutionibus, erectionibus, dotationibus, ac etiam juramento, confirmatione Apostolica, vel quavis firmitate alia roboratis statutis, & consuetudinibus etiam immemorabilibus, privilegiis quoque, indultis, & literis Apostolicis eisdem Ecclesiis sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, nec non irritantibus, & aliis decretis, etiam motu proprio, etiam consistorialiter concessis, approbatis, & innovatis; Quibus omnibus, etiam si de illis, eorumque totis tenoribus specialis, specifica, expressa, & individua, non autem per clausulas generales idem importantes mentio, seu quavis alia expressio habenda, aut aliqua alia exquisita forma, tenores hujusmodi, ac si de verbo ad verbum, nihil penitus omisso, & forma in illas tradita observata, inserti forent, præsentibus pro expressis habentes, illis alias in suo robore permanens, hac vice dumtaxat specialiter, & expressè derogamus, ceterisque contrariis quibuscumque. Aut si alicui &c. generari, & quibuslibet aliis &c. mentio specialis.

Statuta pro divino cultu in Civitate, & Ecclesia Elnen. curando.

§.10. Volumus autem, quod præfatus, & pro tempore existens Episcopus Elnen. in eadem Civitate Vicarium, seu Officiale pro exercenda jurisdictione sibi inibi competente continuo retinere, ac tam ipse, quam Capitulum, & Canonici Ecclesie Elnen. hujusmodi ad eam pro divinis ibidem obeundis saltem in consecrationis, seu dedicationis ejusdem Ecclesie Elnen., quæ decima Octobris, & Sancti Jacobi Apostoli, quæ vigesima quinta Julii mensium diebus celebrari solent, festivitibus, cessante legitimo impedimento, personaliter accedere, ac prout eos tangit, curam fabricæ ipsius Ecclesie Elnen., & illius reparationis debita gerere, & sustinere teneantur.

Nul.

Dat. die 1. Septem. 1601. An.X.

Nulli ergo omnino hominum liceat hanc paginam nostrarum &c. Datum Romae apud Sanctum Marcum Anno Incarnationis Dominicae millesimo sexcentesimo primo, Kalendis Septembris Pontificatus nostri Anno X.

CCLIV.

Ex Regest. in Secr. Brev.

Mandatur Episcopis Insulae Corsicae, ac eorum in spiritualibus Vicariis Generalibus, ne Regularium extra Claustra degentium opera, sine Sedis Apostolicae licentia, utantur.

Ven. fratribus Episcopis Insulae Corsicae, ac dilectis filiis eorum Vicariis in spiritualibus Generalibus.

CLEMENS PAPA VIII.

Ven. Fratres, ac dilecti filii, salutem, & Apostolicam benedictionem.

Mandati, de quo in Rubrica.

§. 1. Quoniam ab observantia regulari alienum est, ut Regulares cujusvis Ordinis extra Claustra suorum Monasteriorum, & Domorum Regularium vagantes permanent; Nos fraternitatis vestris Fratres Episcopi, ac discretioni vestrae filii Vicarii, & cuilibet vestrum per praesentes committimus, & mandamus, ut nullus vestrum, Regularibus ipsis, quavis de causa etiam praetextu Cure Animarum exercenda, aut vestris servitiis insistendi, extra Claustra suorum Monasteriorum, & Regularium locorum permanentium sine speciali Sedis Apostolicae licentia, occasionem praebatis, aut eorumdem Regularium extra Claustra degentium opera utamini; Quinimo unusquisque vestrum in sua Civitate, & Dioecesi hujusmodi Regulares sic extra Claustra vagantes, aut quovis praetextu permanentes ad sua Monasteria, & loca Regularia redire etiam per censuras, & poenas Ecclesiasticas, aliaque opportuna Juris, & facti remedia cogatis, & compellatis, super quo vobis opportunam facultatem concedimus, & impertimur.

Derogatio contrariorum

§. 2. Non obstantibus quibusvis privilegiis, exemptionibus, Indultis, & literis Apostolicis per dictos Regulares praesentis, aut ipsos, & eorum Ordinibus in contrarium praemissorum quomodolibet concessis, confirmatis, & approbatis, ceterisque contrariis quibuscumque.

Fides danda transumptis.

§. 3. Ut autem praesentes literae vestrum omnibus innotescant, volumus, ut earum transumptis &c.

Dat. die 5. Septem. 1601. An.X.

Datum Romae apud Sanctum Marcum sub Annulo Piscatoris die quinta Septembris 1601. Pont. Nostri Anno X.

Declaratio Constitutionis Gregorii XIII., super creatione Censuum in locis Reipublicae Genuenae, subjectis.

Ex Regest. in Secr. Brev.

CLEMENS PAPA VIII.

Ad perpetuam rei memoriam.

§. 1. Alias facti record. Gregorio XIII. Praedecessori Nostro pro parte dilectorum filiorum Nobilium Virorum Ducis, & Gubernatorum Reipublicae Januensis, quod licet dudum rec. me. Pius Papa V. etiam Praedecessor Noster, sua perpetuo valitura Constitutione, inter alia statuerit Censum, seu redditum annuum creari, & constitui nullo modo posse, nisi in actu celebrationis Instrumenti vere pecunia numerata intervenerit, ac praesentibus Notario, & Testibus, non autem prius recepto integro, justoque pretio, nihilominus in Civitate Januensi, haec facti fuerint quamplures Censui, & saepe numero fiebant, in quibus in actu celebrationis Instrumenti vere pecunia numerata non intervenit, sed solutio fit in Cartulariis denumerata Sancti Georgii Januensis, quae solutio fortasse magis secreta, cauta, & idonea existeret, ac si illa facta fuisset in pecunia numerata.

Pius V. decrevit censum creari non posse nisi actu interveniat pecunia.

Genitrix vero creari fuerat mediantibus Chirographis mensis Numeratae Sancti Georgii.

Gregorius secundo modo etiam fieri permisit.

§. 2. Ne autem successu temporis difficultates, & fortasse lites circa praemissa pro eo, quod in creatione Censuum hujusmodi pecunia numerata non intervenissent in praesentia Notarii, & Testium juxta voluntatem dicti Pii Praedecessoris, nasci potuissent, pro parte Ducis, & Gubernatorum praedictorum eidem Gregorio Praedecessori humiliter supplicato, ut in praemissis opportune providere de benignitate Apostolica dignaretur, idem Gregorius Praedecessor hujusmodi supplicationibus inclinatus, per suas in forma Brevis literas sub data die 4. Aprilis 1583. Pontificatus sui Anno XI. voluit, & Apostolica auctoritate decrevit, & declaravit, omnes, & singulas creationes, seu Constitutiones Censuum in Civitate Januensi praedicta, in quibus constituendis in actu celebrationis Instrumenti vere pecunia numerata non intervenerat, vel non interveniret, sed solutio fuisset facta, vel fieret, aut in pecunia numerata, vel per Cartularios de numerato Sancti Georgii, servata in reliquis forma praedictae Constitutionis Pii V. valere, eandemque vim, & robur habere in omnibus, & per omnia, perinde ac si constitutiones dictorum Censuum in pecunia numerata juxta formam praedictae Constitutionis Pii V. factae fuissent, & propterea a quoquam de nullitate dictorum Censuum dici, aut ad illorum rescissionem procedi non posse, sicque per omnes, & quoscumque Judices, & Commissarios quavis auctoritate fungentes, etiam causarum Palatii Apostolici Auditores judicari, & definiti debere, ac irritum, & inane quidquid secus super his a quoquam quavis au.

Otto tamen dubio Genuenses novam fieri declarationem petunt.

auctoritate scienter, vel ignoranter contigerit attentari, prout in eisdem literis plenius continetur.

§. 3. Cum autem, sicut nuper pro parte eorumdem Ducis, Gubernatorum Reipublicae Januensis, Nobis expositum fuit, postea a nonnullis oppositum fuerit, hujusmodi Censui usurarios existere, quorum pretium in Cartulariis de numerato Sancti Georgii aliquot dies post celebrationem contractus solutum fuit; Et quia, ut eadem expositio subjungebat, difficile est in ipsa Civitate Januensi, quod in actu celebrationis contractus Censuum hujusmodi fieri possit solutio pretii in Cartulariis denumerato Sancti Georgii hujusmodi, cum multae solemnitates in solutione hujusmodi necessario requirantur, quae eodem instanti fieri non possunt, & propterea omnes fere contractus censuarii per solutionem in Cartulariis de numerato Sancti Georgii hujusmodi facti usurarii dici possent, nisi de opportuna Sedis Apostolicae declaratione provideretur. Propterea eorumdem Ducis, & Gubernatorum nomine Nobis humiliter supplicatum fuit, ut in praemissis auctoritatem nostram interponere de benigntate Apostolica dignaremur.

Declarat Clemens validos contractus, dummodo solutio pecuniae fiat post paucos dies ab eorumdem stipulatione.

§. 4. Nos igitur Constitutionis Pii V. & literarum Gregorii Praedecessorum praedictorum tenores praesentibus pro expressis habentes, ac eosdem Duce, & Gubernatores, specialibus favoribus, & gratiis prosequi volentes, & a quibusvis excommunicationis, suspensionis, & Interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodati existunt, ad effectum praesentium dumtaxat consequendum, harum serie absolventes, & absolutos fore censentes, hujusmodi supplicationibus inclinati, Apostolica auctoritate harum serie decernimus, & declaramus, eos etiam Censum in Civitate Januensi, haecenus constitutos, & deinceps in perpetuum constituendos, in quibus in actu celebrationis Instrumenti solutio etiam per Cartularios de numerato Sancti Georgii eodem tempore celebrationis contractus realiter facta non fuerit, sed paucos dies post ipsam Instrumenti celebrationem solutio pretii in Cartulariis de numerato Sancti Georgii jam facta fuit, vel deinceps etiam post paucos dies fieri contigerit, validos fuisse, esse, & fore, eandemque vim, & robur habere in omnibus, & per omnia, perinde ac si solutio pretii hujusmodi in Cartulariis de numerato Sancti Georgii in ipso actu celebrationis Instrumenti hujusmodi cum effectu facta fuisset, dummodo in reliquis, forma Constitutionis Pii V. Praedecessoris servata fuerit, & propterea de nullitate, aut invaliditate dictorum Censuum a quoquam opponi, aut ad illorum rescissionem procedi nullatenus posse.

Clausula.

§. 5. Sicque per omnes, & quoscumque Judices, & Commissarios quavis auctoritate fungentes, etiam causarum Palatii Apostolici Auditores, & S. R. E. Cardinales, sublata eis, & eorum cuilibet quavis aliter Bull. Rom. Tom. V. Par. II.

judicandi, & interpretandi facultate, & auctoritate, judicari, & definiti debere, ac irritum, & inane, quidquid secus super his a quoquam quavis auctoritate scienter, vel ignoranter contigerit attentari decernimus.

Derogat obstantibus.

§. 6. Non obstantibus praemissis, ac quibusvis Constitutionibus, & Ordinationibus Apostolicis, nec non omnibus illis, quae idem Gregorius Praedecessor in suis literis voluit non obtinere, ceterisque contrariis quibuscumque.

Datum Romae apud Sanctum Marcum sub Annulo Piscatoris die 13. Sept. 1601. Pont. Nostri Anno X.

Dat. die 13. Septem. 1601. An.X.

CCLVI.

Nonnullae Declarationes super Visitatione Parochialium Ecclesiarum ad Hospitale Sancti Joannis Hierosolymitani pertinentium, per Ordinarios locorum, tamquam Sedis Apostolicae delegatos, facienda.

Ex Regest. in Secr. Brev.

CLEMENS PAPA VIII.

Ad perpetuam rei memoriam.

Decret Romanum Pontificem ad tollendas dissensionum occasiones inter Episcopos, & Fratres Hospitalis Sancti Joannis Hierosolymitani, super Visitatione Ecclesiarum Parochialium ejusdem Hospitalis dubia, quae oriri solent, opportuna declaratione removere, prout in Domino salubriter conspicitur expedire.

Exordium.

§. 1. Supplicationibus igitur pro parte Ven. Fratris Augustini Archiepiscopi Bracharen. per dilectum filium Simonem de Abren Archidiaconum de Neiva, & Canonicum Ecclesiae Bracharen. ejusdem Augustini Archiepiscopi in Romana Curia Agentem Nobis super hoc humiliter porrectis inclinatis, ex Voto Venerabilium fratrum Nostrorum S. R. E. Cardinalium Sacri Concilii Tridentini Interpretum harum serie declaramus; Venerabiles Fratres Archiepiscopos, & Episcopos tamquam Sedis Apostolicae Delegatos tam per se ipsos, quam per alias Ecclesiasticas personas, quascumque Ecclesias ad Hospitale Sancti Joannis Hierosolymitani pertinentes, quibus Animarum cura imminet, in his, quae Animarum curam, illiusque exercitium, & administrationem respiciunt, visitare, omnesque actus Visitationem circa praedicta concernentes exercere posse, & debere juxta Constitutionem Pii Papae V. Nostri Praedecessoris super hoc edita sub die 22. Septembris 1571. Rectores etiam, ac Vicarios, ac quascumque alias tam regulares, quam saeculares personas curam Animarum in eis exercentes subesse immediate in iis, quae ad dictam curam Animarum, illiusque exercitium, & Sacramentorum administrationem spectant, visitationi, & correctioni Episcoporum uti Sedis Apostolicae delegatorum, adeo ut, quae circa dictas personas, ac Ec-

Declarat Episcopo posse visitare Parochias unitas Hospitalis S. Joannis Hierosolymitani in iis, quae respiciunt curam animarum.

In reliquis vero servandam Constitutionem Gregor. XIII.

Clausula.

Derogatio contrarium

Dat. die 19. Septem. 1601. An. X.

Ex Regest. in Secret. Brev.

Proemium.

clesias in predictis necessaria, & opportuna visa fuerint, in actu Visitationis decernere, poenas infligere, & exequi, aliisque juris remediis, quoties, & quando opus fuerit, procedere valeant, quemadmodum eadem Constitutione cavetur.

§. 2. Quoad vero Clericos seculares Ecclesiis militum servientes, ipsarumque, ac Militum Colonos, & familiares servandam esse Constitutionem pie mem. Gregorii Papae XIII. etiam Praedecessoris Nostri, qua incipit - *Circumspecta* edita Pontificatus sui Anno Nono. Ipsis autem Fratribus Militibus, Rectoribus, Conservatoribus, aut aliis quibuscumque nulla ratione licere, directe, vel indirecte Ordinarios locorum, sive eorum Officiales, & Ministros contra formam praedictarum Pii, & Gregorii Praedecessorum Constitutionum impedire, & si impedierint, aut alias terminos suarum facultatum exceperint, ab eisdem posse censuris, aliisque poenis Ecclesiasticis coerceri.

§. 3. Sicque ab omnibus censeri, & ita per quoscumque Judices Ordinarios, & Delegatos, etiam Palatii Apostolici Causarum Auditores, ac S. R. E. Cardinales, etiam de latere Legatos judicari, & definiti debere, ac irritum, & inane, quidquid secus super his a quoquam quavis auctoritate scienter, vel ignoranter contigerit attentati.

§. 4. Non obstantibus aliis Constitutionibus, & Ordinationibus Apostolicis, ac ejusdem Hospitalis etiam Juramento, confirmatione Apostolica, vel quavis firmitate alia roboratis Statutis, & consuetudinibus, stabilimentis, usibus, & naturis, privilegiis quoque, Indultis, & literis Apostolicis eidem Hospitali, ejusque Magno Magistro, & Conventui, ac fratribus, Militibus, & aliis quibuscumque personis sub quibuscumque tenoribus, & formis, & cum quibusvis etiam derogatoriis derogatoriis, aliisque efficacioribus, & insolitis clausulis, & decretis in contrarium praemissorum quomodolibet concessis, confirmatis, & approbatis; quibus omnibus, & singulis, eorum tenores praesentibus pro expressis habentes, hac vice dumtaxat specialiter, & expresse derogamus, ceterisque contrariis quibuscumque.

Datum Roma apud S. Marcum, sub Annulo Piscatoris die 19. Septemb. 1601. Pont. Nostri Anno X.

CCLVII.

Restitutio Jurispatronatus ad Praeposituram Ecclesiae Tridentinae favore Rodulphi Imperatoris tamquam Tirolis Comitum, ejusque in eodem Comitatu successorum.

CLEMENSE EPISCOPUS SERVUS SERVORUM DEI Ad perpetuam rei memoriam.

Exigit nobis injunctum Apostolicae servitutis officium, ut ea, quae a Roma-

nis Pontificibus Praedecessoribus nostris, nobilissimis Principibus, ac praesertim de hac S. Sede benemeritis sunt concessa, quaeque ob conditionum in concessionibus hujusmodi appositarum inobservantiam invalida, & nulla sunt reddita, cum eisdem conditionibus in pristinum restituere, eaque de novo concedere, prout Catholicorum Principum vota exposcunt, ac Nos in Domino id conspicimus salubriter expedire.

§. 1. Dudum siquidem sac. rec. Paulo Papae II. Praedecessori nostro, pro parte cl. mem. Sigismundi Ducis Austriae exposito, quod olim ex bonis, & redditibus Monasterii S. Vincentii extra muros Tridentinae, Ordinis S. Benedicti, cujus ipse Sigismundus Dux, etiam Tirolis Comes, ratione Comitatus Tirolis, Advocatus, & Protector dignoscebatur, quadam dignitas, Praepositura nuncupata in Ecclesia Tridentina erecta, ac de ea postmodum, certo tunc expresso modo vacante, quondam Magistro Gaspari de Teramo Causarum Palatii Apostolici Auditori, tunc in humanis agenti, Apostolica auctoritate provisorum extiterat, illius possessione per eundem Gasparem eatenus non habita, & in eadem expositione subjuncto, quod, si cedente, vel decedente dicto Gaspare, aut alias Praeposituram ipsam quomodolibet dimittente, jus patronatus, & praesentandi personam idoneam ad illam, quoties ex tunc deinceps vacaret, praedicto Sigismundo Duci, & Comiti, ejusque Successoribus, perpetuo reservaretur, ipse Sigismundus Dux, & Comes dictam Ecclesiam Tridentinae, cujus honorum, & libertatum idem Sigismundus Dux, & Comes etiam defensor existerat, illiusque personas, ac bona a manibus illa pro tempore invadentium praeservare toto posse studeret, dictus Praedecessor tam gloriosissimi Friderici Romanorum Imperatoris, quam praedicti Sigismundi Ducis, & Comitum supplicationibus in ea parte inclinatus, jus patronatus, & praesentandi personam idoneam ad praedictam Praeposituram, quoties illam vacare contingeret, praedicto Sigismundo Duci, & Comiti, ejusque haeredibus, & successoribus, Comitibus Tirolis, qui pro tempore forent, perpetuo reservavit, concessit, & assignavit: ita quod, ex tunc deinceps, nullus eandem Praeposituram obtinere posset, nisi ad illam per Sigismundum Ducem, & Comitem, ac haeredes, & successores praedictos, tempore debito, dicto Praedecessori, ejusque successoribus, Romanis Pontificibus pro tempore existentibus, foret praesentatus; nec non eidem Sigismundo Duci, & Comiti, ejusque haeredibus, & successoribus, quod ad Praeposituram hujusmodi, illius vacatione pro tempore occurrente, personam idoneam per Praedecessorem, & Successores suos Romanos Pontifices praedictos dumtaxat, quibus idem Praedecessor institutionem, sive provisionem illius specialiter reservaverat, in ipsius Ecclesiae Praepositum instituendum, eisdem Ro-

Paulus II. Sigismundo Austriae Comiti ejusque successoribus jus patronatus ad Praeposituram Tridentinam concessit.

Restituit Clemens.

Ro-

Cognitum deinde est, injunctam fuisse Comitibus legem solvendi Sedi Apostolicae annis unam Caralibram.

Qua per ignorantiam non soluta Rodolphus sub eadem lege Jus patronatus sibi petere testatur.

Restituit Clemens.

Romanis Pontificibus praesentare libere, ac licite valerent, indulset, irritanti, & aliis decretis desuper apposis, prout in literis Apostolicis desuper confectis plenius continetur.

§. 2. Nuper vero, cum dicta Praepositura, quam bo. mem. Andreas S. Mariae Novae Diaconus Cardinalis ab Austria nuncupatus, ex concessione, & dispensatione Apostolica, in Commendam, dum viveret, obtinebat, Commenda hujusmodi per obitum dicti Andreae Cardinalis apud Sedem Apostolicam defuncti cessante, adhuc eo, quo ante Commendam ipsam vacabat modo, vacare nosceretur, & Nos de illa sic vacante, & tamquam libera, & dictae Sedi ratione Commenda hujusmodi affecta, dilecto filio Matthiae della Torre ex Comitibus Vallis Saxinae, Clerico Aquilegensi, provideri concessissemus; charissimus autem in Christo filius noster Rodolphus Romanorum Rex illustris, in Imperatorem electus, qui etiam Comes Tirolis existit, juris patronatus, & praesentandi hujusmodi inherendo, certam personam ad dictam Praeposituram, ut praesertur, vacantem, nobis praesentasset, ac pro verificatione juris patronatus hujusmodi, exemplar authenticum literarum praedictarum coram dilecto filio Datario nostro exhiberi curasset, tandem ex tenore ipsarum literarum, cognitum fuit, praedictum Praedecessorem inter alia voluisse, & expresse declaravisse, quod Sigismundus Dux, & Comes, ejusque Successores, & Patroni praedicti, pro recognitione concessionis patronatus hujusmodi, singulis annis, in Festo Beatorum Petri, & Pauli Apostolorum, unam libram carae Camerae Apostolicae solvere teneretur, alioquin, si libram carae, die Festo non solveret, aut praesentationem non faceret, ut praesertur, concessio hujusmodi nullius esset roboris, vel momenti.

§. 3. Cum autem, sicut exhibita Nobis nuper pro parte dicti Rodulphi Regis in Imperatorem electi petitio continebat, ipse conditionis praedictae ignarus, & forsitan alii ejus in dicto Comitatu Antecessores, dictam Libram carae, juxta dictarum Literarum formam, solvere non curaverint, ac propterea a jure patronatus, & praesentandi cecidisse censentur, pro parte dicti Rodulphi Regis in Imperatorem electi, qui ad effectum, ut jus patronatus hujusmodi sibi, ejusque in dicto Comitatu futuris haeredibus, & successoribus restituatur, dictae Camerae praedictae libram carae annuatim deinceps solvere paratus existit, Nobis fuit humiliter supplicatum, quatenus ejus, ac haeredum, & successorum praedictorum indemitati consulere, ac alias in praemissis opportune providere de benignitate Apostolica, dignaremur.

§. 4. Nos igitur praedictum Rodolphum Regem in Imperatorem electum a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis a jure, vel ab homine, quavis occasione, vel causa latis, si quibus Bull. Rom. Tom. V. Par. II.

quomodolibet innodatus existit, ad effectum praesentium dumtaxat consequendum, harum serie absolventes, & absolutum fore censentes, ac literarum hujusmodi etiam veriores, ac totos tenores, & datas, cum inde sequutis, praesentibus pro expressis habentes, hujusmodi supplicationibus inclinati, dictum Rodolphum Regem in Imperatorem electum, ac pro tempore existentes Comites Tirolis, ad jus patronatus, & praesentandi Nobis, & Successoribus nostris Romanis Pontificibus personam idoneam ad dictam Praeposituram, praedicto Matthiae cedente etiam ex causa permutationis, vel decedente, aut eandem Praeposituram quomodolibet dimittente, vel amittente, ac alias quoties illam, quovis modo, & ex cujuscumque persona, etiam apud Sedem praedictam vacare contingeret, nec non adversus privationis, & annullationis ejusdem juris patronatus, ac praesentandi, ac quascumque alias poenas, quas, ob non factam Camerae praedictae annuam solutionem, & praesentationem dictae librae carae, juxta voluntatem Pauli Praedecessoris, ac formam literarum hujusmodi, aut alias quomodolibet incurrerant, seu incurrisse dici, vel censeri possunt, ac in pristinum, & eum, in quo, si solutio, & praesentatio ipsa debito tempore facta fuisset, idem statum, in omnibus, & per omnia, sine tamen praedicti dicti Matthiae, itaut collatio, & provisio sibi de dicta Praepositura, per Nos, ut praesertur, facta, ac litera desuper confecta, vel conficienda, suum omnino sortiantur, & sortiri debeant effectum, Apostolica auctoritate, tenore praesentium restituimus, reponimus, ac plenarie reintegramus, ipsaque poenas, ac solutiones, & praesentationem hujusmodi, quoad terminos decursos, & non solutos gratiose remittimus, & condonamus. Et nihilominus jus patronatus, & praesentandi Nobis, & Successoribus nostris praedictis personam idoneam ad dictam Praeposituram, quoties eam vacare contigerit, ut praesertur, per Rodolphum Regem in Imperatorem electum, ejusque in dicto Comitatu haeredes, & successores praedictos, tempore legitimo, Nobis, vel Successoribus nostris praedictis, fieri praesentationes, auctoritate, & tenore praemissis, in perpetuum, de novo reservamus, concedimus, & assignamus, ac eidem Rodulpho Regi in Imperatorem electo, quod ipsi ad Praeposituram praedictam, ejus vacatione pro tempore occurrente, personam idoneam per Nos, & Successores nostros praedictos dumtaxat instituendam, Nobis, & Successoribus hujusmodi praesentare, libere, ac licite valeant, eisdem pari auctoritate, & tenore, de speciali gratia, indulgemus.

§. 5. Volumus autem, quod dictus Matthias, vigore collationis, sibi, ut praesertur, factae, possessionem dictae Praepositurae, assequatur, & continue gaudeat in futurum.

§. 6. Quodque ex nunc deinceps recognito

Jus praeservat provisio.

1601. Dicitur Ceræ libram præfari jubet sub pena caducæ.

Causula p. n. 15.

Dat. die 17 Septem. 1501. An. X.

gnitio dictæ libræ Ceræ, servata forma prædictarum Literarum, omnino fiat, alioquin præfens irritum decernimus, & inane, si secus super his a quoquam, quavis auctoritate, scienter, vel ignoranter contigerit attentari.

§.7. Nulli ergo omnino hominum liceat hanc paginam nostræ absolutionis, restitutionis, repositionis, reintegrationis, remissionis, reservationis, concessionis, assignationis, indulti, voluntatis, ac decreti infringere, vel ei ausu temerario contraire; Si quis autem hoc attentare præsumpserit, indignationem omnipotentis Dei, ac Beatorum Petri, & Pauli Apostolorum ejus, se noverit incursurum.

Datum Romæ apud S. Marcum Anno Incarnationis Dominicæ millesimo, sexcentesimo primo 15. Kalendas Octobris, Pontificatus nostri Anno X.

CCLVIII.

Ex Reg. in Sec. Brev.

Exemptio a quacumque Ordinariorum Jurisdictione Cappella Sancti Hieronymi Oppidi de Villa Vicosa Ducis Bragantia, illiusque Decani, Cappellanorum, & aliorum Ministrorum, qui immediate subjiciuntur Sanctæ Sedi Apostolicæ ejusque Collectori.

CLEMENS EPISCOPUS SERVUS SERVORUM DEI

Ad perpetuam rei memoriam.

Procurium.

Concesserat Clemens Cappellanus ut ubilibet de n. d. Ducis di. vna perage. rent, distribu. tiones lucra. rentur.

EX inuncto Nobis desuper Apostolicæ servitutis officio &c. expedire.

§.1. Alias siquidem dilecti filii nobilis viri Theodosii Ducis Bragantia supplicationibus in ea parte inclinati, eidem Theodosio Duci, ut ex tunc deinceps, & in perpetuum quotiescumque, & quodocumque ipsum Theodosium, aut Successores suos Bragantia Duces pro tempore existentes extra Oppidum de Villa Vicosa Elboren. Diocesis residere contingeret, Decanus, Cappellani, & alii Ministri Cappellæ Ducalis sub Invocatione, & ad honorem Sancti Hieronymi in prædicto Oppido per dicti Theodosii Ducis Prædecessores sumptuoso opere extructa, in quacumque Ecclesia, seu Cappella regulari, vel seculari loci intra Regnum Portugallia constituti, in qua Theodosius Dux, aut Successores præfati divina officia diurna, & nocturna persolveri, & celebrari mandarent, omnes distributiones quotidianas, aliaque emolumenta universa, quæ lucrarentur, & lucrari possent, si in dicta Cappella Ducali Divinis Officiis diurnis pariter, & nocturnis personaliter interessent, similiter, & pariformiter lucrari, habere, & consequi libere, & licite valerent, Apostolica auctoritate perpetuo concessimus, & indulgimus, prout &c. continetur.

§.2. Cum autem, sicut exhibitæ Nobis nuper pro parte dicti Theodosii Ducis petitio continebat, juxta formam Indulti hujusmodi Decanus, Cappellani, & Ministri dictæ Cappellæ pro tempore existentes aliquem certum residentia locum non habeant, sed Theodosium Ducem, & Successores prædictos quocumque extra dictum Oppidum iter facturi sint sequi, & ad eorum nutum Divina Officia hujusmodi, quæ debitis temporibus, & horis juxta ritum, & morem a Sancta Romana Ecclesia receptum, & approbatum celebrentur, ac solemnitates, & ceremoniæ, aliaque requisita debite observentur, recitare teneantur, hincque alicujus Ordinarii Jurisdictioni commode subjacere posse non videantur, & idem Theodosius Dux, qui insigni pietatis zelo ductus, Cappellam prædictam omnibus, quibus potest rationibus, & modis, tam in spiritualibus, & divinis, quam temporalibus ad præpotentis Dei gloriam augere, & exornare non desistit, ut in hac quoque parte ipsius Cappellæ decori, illiusque Decani, Cappellanorum, & Ministrorum commodis, & opportunitatibus consulatur, plurimum cupiat, ut infra desuper per Nos, & Sedem Apostolicam benigne provideri, pro parte dicti Theodosii Ducis nobis fuit humiliter supplicatum, quatenus sibi, desiderioque suo in præmissis opportune &c. dignaremur.

Theodosius Dux causis hic indicatis petit eos ab ordinariis visitatione exi mi.

§.3. Nos igitur piæ ipsius Theodosii Ducis propositum promovere cupientes, ac dictum Theodosium Ducem a quibusvis excommunicationis &c. censentes, hujusmodi supplicationibus inclinati, Cappellam prædictam, illiusque Decanum, Cappellanos, & Ministros præfatos, & futuros, eorumque res, bona, & beneficia quacumque, ubicumque sita, & qualiacumque sint, & esse possint ab omni visitatione, correctione, Jurisdictione, & superioritate tam Elboren., quam quorumcumque aliorum dicti Regni Ordinariorum, illorumque Vicariorum, & Officialium, nunc, & pro tempore existentium in spiritualibus, & temporalibus Apostolica auctoritate tenore præsentium penitus, & omnino perpetuo eximimus, & totaliter liberamus, exemptosque, & exempta esse, ac fore, nec non Ordinarios, eorumque Vicarios, & Officiales prædictos etiam ratione delicti, seu contractus, vel quasi, aut rei, de qua ubicumque committatur delictum, ineat contractus, aut res ipsa consistat, in Decanum, Cappellanos, & Ministros prædictos, eorumque res, & bona, ac beneficia quacumque per eos obtenta, & obtinenda, vel eorum aliquem, seu aliquos visitationem, correctionem, & superioritatem aliquam exercere, aut quacumque excommunicationis, suspensionis, & interdicti, aliamque Ecclesiasticam sententiam, censuras, & pœnas promulgare nullatenus posse, ac quacumque visitationem, correctionem, Jurisdictionem, aut superioritatem aliquam denotantia, & quacumque promulgationes, quas tam per Elbo-

Eximit Clemens.

Eosque Apostolicæ Sedi, & Collectori R. C. subiectos declarat.

Elboren., quam quoscumque alios præfati Regni Ordinarios, illorumque Vicarios, & Officiales, nunc, & pro tempore existentes, vel eorum aliquem interim fieri contigerit, nulla, & invalida, nulliusque roboris, vel momenti existere, & pro penitus infectis, quoad hæc omnia haberi debere, & si secus &c. attentari, irritum, & inane decernimus.

§.4. Et nihilominus Cappellam, Decanum, Cappellanos, & Ministros prædictos, nec non quacumque Beneficia Ecclesiastica per eos nunc obtenta, & pro tempore obtinenda, ac illorum res, & bona ubicumque sita, cuicumque visitationi, correctioni, Jurisdictioni, & superioritati, nostris, & Sedi Apostolicæ, ac fructuum, & proventuum Camera Apostolicæ debitorum, Collectoris in dicto Regno pro tempore existentis, vel eo deficiente, aut absente per eum pro tempore deputandi penitus, & omnino eisdem auctoritate, & tenore etiam perpetuo subjicimus, & supponimus, omnesque, & quascumque lites, causas, controversias, quaestiones, differentias, molestias, civiles, & criminales, reales, & personales, spirituales, & temporales, Ecclesiasticas, & profanas, ac etiam beneficiales, meras, & mixtas, Decani, Cappellanorum, & Ministrorum prædictorum tam active, quam passive contra ipsos per Elboren., ac quoscumque dicti Regni Ordinarios, seu illorum Curias, vel Filcos, aut Procuratores eorum, ac etiam quascumque alias personas, seu ad illorum, aut illarum instantiam, vel instigationem quavis occasione, vel causa ex nunc deinceps, & pro tempore movendas, & suscitandas eidem Collectori in dicto Regno nunc, & pro tempore commoranti, vel in ejus absentia, vel defectu per eum, ut præfertur, deputando, etiam summarie audiendas, cognoscendas, decidendas, si neque debito terminandas cum omnibus suis incidentiis, dependentiis, emergentibus, annexis, & connexis, totoque negotio principali, etiam cum potestate, quos, quibus, ubi, quando, & quoties opus fuerit citandi, & inhibendi, ac inobedientes declarandi, aggravandi, & reagrandi, auxilium brachii secularis invocandi, omniaque alia, & singula faciendi, dicendi, gerendi, exercendi, & exequendi, quæ necessaria fuerint, aut alias quomodolibet opportuna auctoritate, & tenore prædictis juxta Constitutionem sel. record. Innocentii Papæ III. Prædecessoris nostri, quæ incipit *Cum Cappella* similiter perpetuo committimus, & mandamus.

Contrariis derogatio.

Dat. die 18. Septem. 1601. An. X.

§.5. Non obstantibus quibusvis Constitutionibus &c. quibuscumque. Nulli &c. Si quis &c.

Datum Romæ apud S. Marcum Anno &c. millesimo sexcentesimo primo quarto decimo Kalendas Octobris Pontificatus nostri Anno X.

Dismembratio partis Diocesis, & redituum ab Ecclesia Cathedrali Clusina, eorumque unio Ecclesiæ Cathedrali Castri Plebis.

Ex Reg. in Sec. Brev.

CLEMENSE EPISCOPUS

SERVUS SERVORUM DEI

Ad perpetuam rei memoriam.

Super universas orbis Ecclesias, eo disponente, qui cunctis imperat, & cui omnia obediunt, nullis nostris meritis constituti, pervigiles mentis nostræ oculos circa fructuosam agri Dominici culturam frequenter dirigimus, & divino fultu præsidio, quo cuncta fere populorum suorum fidelium utilitate, & salute disponuntur ad ea, per quæ ipsarum Ecclesiarum præsertim Cathedralium a Nobis noviter erectarum status prospere, & feliciter dirigi, divini cultus, ac beneficiorum ministrorum Ecclesiasticorum in eis numerus augeri, nec non Collegia pro Juventutis in pietate & Ecclesiasticis, aliisque fructuosis disciplinis eruditione, & instructione propagari, animarum quoque cura, qua nullum in terris gravius onus inveniri potest, fructuosius exercere valeant, propensis studiis intendimus, ac in iis Pastoralis officii nostri partes favorabiliter interponimus, prout rerum, locorum, & temporum qualitatibus debite pensatis, conspiciamus in Domino salubriter expedire.

Procurium.

§.1. Alias siquidem Nos ex certis causis habita prius desuper cum Venerabilibus Fratribus nostris Sanctæ Romanæ Ecclesiæ Cardinalibus matura deliberatione de illorum consilio, & Apostolicæ potestatis plenitudine per alias nostras literas Oppidum Castri Plebis, Castra, ac Terras, Villas, Plagarii, Panicalis, Pacciani, Mungio-vini, Tavernellarum, collis Sancti Poli, Montalæ, agri Perusini, Laviani, Puteoli, Gioella, & Panicarole cum ceteris locis in universo Marchionatu Clusini, nec non Triviani, Montis Leonis, & Salicis in Comitatu, & districtu Urbevetan. consistentia, ac Camporosevoli nostræ, & Sedi Apostolicæ ditioni temporali immediate, & mediate respective subjecta, Sanctæ Floræ tunc Clusini. Diocesis, cum illorum Territoriis, Clero, Populo, personis Ecclesiasticis, Monasteriis, Confraternitatibus, etiam laicorum, & Pii locis, ac Beneficiis Ecclesiasticis cum cura, & sine cura secularibus, & quorumvis Ordinum Regularibus, nec non quibuscumque juribus, & actionibus, quæ pro tempore Episcopus Clusini, ratione jurisdictionis, & legis Diocesanæ in illis habebat, & percipiebat, ac habere, & percipere poterat, ab Ecclesia Clusini, etiam tunc per obitum bon. mem. Ludovici Episcopi Clusini, extra Romanam Curiam defuncti Pastore carente, a dicta Diocesi perpetuo divisimus, & separavimus, sicque divi-

Episcopatum Castri Plebis alias a se erectum commemorat.